

basic education

Department:
Basic Education
REPUBLIC OF SOUTH AFRICA

NASIONALE SENIOR SERTIFIKAAT

GRAAD 12

AFRIKAANS TWEEDE ADDISIONELE TAAL V1

NOVEMBER 2010

WES-KAAP

PUNTE: 120

TYD: 2½ uur

Hierdie vraestel bestaan uit 19 bladsye.

NSS (Wes-Kaap)

INSTRUKSIES EN INLIGTING

1. Hierdie vraestel bestaan uit VIER afdelings.

AFDELING A:	Kyk- en leesbegrip	VRAAG 1 – 3	(30)
AFDELING B:	Opsomming	VRAAG 4	(10)
AFDELING C:	Taal	VRAAG 5 – 8	(60)
AFDELING D:	Letterkunde	VRAAG 9 – 10	(20)

- 2. Lees ALLE instruksies baie goed.
- 3. Beantwoord AL die vrae.
- 4. Begin ELKE afdeling op 'n NUWE bladsy.
- 5. Trek 'n streep na elke afdeling.
- 6. Nommer die antwoorde korrek volgens die nommeringstelsel wat in hierdie vraestel gebruik word.
- 7. Laat 'n reël oop na elke antwoord.
- 8. Skenk veral baie aandag aan spelling en sinskonstruksie.
- 9. Skryf netjies en leesbaar.

AFDELING A: KYK-EN LEESBEGRIP

VRAAG 1: INLIGTINGSTUK

Lees die leesstuk hieronder en beantwoord die vrae.

SIPHO NGWENYA



- 1. Sipho Ngwenya is in Kimberley gebore. Hy is die seun van 'n gewone man wat in 'n diamantmyn werk. Hy speel die rol van Ajax in Generations, 'n sepie wat daagliks om 20:00 op SABC 1 uitgesaai word. Behalwe dat hy 'n akteur is, is hy ook 'n hip-hop-musikant en omroeper vir jeugprogramme op TV. Hy hou baie van krieket en sokker en wou graag 'n professionele krieket- of sokkerspeler gewees het.
- 2. Alhoewel Sipho 'n bekende figuur op TV is, het hy ook vrese. Min mense weet dat Sipho doodbang vir slange is. "Hulle is grillerig en giftig," sê hy. Alhoewel hy nog nie deur 'n slang gebyt is nie, sal hy nooit naby 'n slang kom nie.
- 3. Om weg te kom van sy besige dag, ontspan hy voor die televisie. Hy hou daarvan om na sport en aksiefilms te kyk. Hy kyk nie graag sepies nie, net soms kyk hy na *Isidingo*. Hy hou ook van lekker kos, veral Italiaanse kos. Sy gunstelingrestaurant is Giovanni's, want hy dink hulle maak die beste Italiaanse disse.
- 4. Hy hou baie van Mauritius as 'n vakansieplek. Dit is vir hom 'n heerlike plek om heen te gaan en uit die stad te kom. Hy sê: "Daar is net genoeg om te doen en niemand daar ken vir Ajax nie."

[Verwerk uit: Beeld-Leefstyl, 5 Mei 2010]

- 1.1 Waar is Sipho gebore? (1)
- 1.2 Wat is sy naam in *Generations*? (1)
- 1.3 Noem EEN ander werk wat hy doen, behalwe om akteur te wees. (1)

Afrikaans	Iweede	Addisionele	Taal/V1	

Voltooi die volgende sin deur die KORREKTE antwoord te kies. 1.4

Kimberley word ook die ... -stad genoem.

- musiek Α
- В krieket
- C diamant

sokker D (1)

1.5 Voltooi die volgende sin deur die KORREKTE antwoord te kies.

Sipho sal nooit naby 'n slang kom nie, omdat hy ...

- 'n bietjie bang vir slange is.
- al deur 'n slang gebyt is. В
- doodbang vir slange is. C
- nagmerries oor slange kry. (1)
- 1.6 1.6.1 Is die volgende stelling WAAR of ONWAAR?

Sipho hou van sepies. (1)

1.6.2 Motiveer jou antwoord op VRAAG 1.6.1 hierbo deur 'n sinsdeel uit die stuk aan te haal. (1)

1.7 Kies 'n item uit KOLOM B om by 'n stelling in KOLOM A te pas. Skryf slegs die letter (A - E) langs die vraagnommer (1.7.1 - 1.7.5) neer.

	KOLOM A		KOLOM B
1.7.1	Sy vakansieplek	Α	sokker
1.7.2	Die plek waar hy eet	В	TV kyk
1.7.3	So ontspan hy	С	Giovanni's
1.7.4	Hy hou van die sportsoort	D	Italiaanse kos
1.7.5	Sy beste dis	Е	Mauritius

 (5×1) (5)

1.8 Dink jy dis maklik vir die seun van 'n gewone werker om bekend te word? Motiveer jou antwoord in EEN sin.

In die laaste sin sê Sipho: "... niemand daar ken vir Ajax nie." 1.9

> Om watter TWEE redes dink jy dat dit vir hom lekker is dat hulle nie vir Ajax daar ken nie?

(2) [15]

(1)

VRAAG 2: KOMPETISIE

Lees die teks hieronder en beantwoord die vrae.

• In die tydskrif KUIER verskyn die volgende kompetisie om 'n skoolbeurs te wen.

WEN 'n SKOOLBEURS!

R10 000 vir leerders in graad 1 tot 7 R12 000 vir leerders in graad 8 tot 12

- Het jy finansiële hulp nodig?
- Presteer jy goed in al jou vakke?

Jy kan 'n skoolbeurs wen deur vir die KUIER-beurskompetisie in te skryf.



SKRYF SÓ IN:

Om in te skryf, moet die leerder self vir *KUIER* 'n motiveringsbrief van 250 – 300 woorde instuur. Daarin moet verduidelik word waarom die leerder vir dié beurs kwalifiseer en dit nodig het. Die skrywer van die beste motiveringsbrief is die wenner.

Die volgende besonderhede moet ook in die brief verskyn:

- Die leerder se volle name, ouderdom en graad in 2011
- Die skool en skoolhoof se naam en kontakbesonderhede
- Waarvoor die geld gebruik sal word (byvoorbeeld skoolgeld, ens.) en hoekom die leerder verdien om hierdie geld te kry
- Ouers se kontakbesonderhede

BELANGRIKE INLIGTING

Die sluitingsdatum is 8 Januarie 2011 en KUIER sal dan 'n kortlys van finaliste opstel.

STUUR INSKRYWINGS AAN:

KUIER-beurskompetisie Heerengracht 1 Kaapstad 8000

OF

E-pos jou brief aan kuier@kuierinstyl.co.za duidelik gemerk as KUIER-beurskompetisie.

Vir meer inligting bel die KUIER-kantoornommer: 021 446 1009

[Verwerk uit: Kuier, 3 Maart 2010]

2.1	Hoeveel geld kan 'n leerder in graad 8 –12 in hierdie kompetisie wen?	(1)
2.2	Kies die KORREKTE woord uit dié wat tussen hakies gegee word.	
	Die prysgeld vir 'n leerder in graad $1-7$ is (meer/minder) as die prysgeld vir 'n leerder in graad $8-12$.	(1)
2.3	Voltooi die volgende sin deur die KORREKTE antwoord te kies.	
	Die mense wat vir die kompetisie kan inskryf, is leerders wat	
	 A die skool verlaat het. B in laer- en hoërskole is. C in Kaapstad woon. D swak presteer. 	(1)
2.4	Wat moet 'n leerder doen om vir die kompetisie in te skryf?	(1)
2.5	Sal jy vir die kompetisie kwalifiseer indien jy jou aansoek op 9 Januarie 2011 instuur?	(·)
	Antwoord JA of NEE en motiveer jou antwoord.	(1)
2.6	2.6.1 Is die volgende stelling WAAR of ONWAAR?	
	Jy kan vir die kompetisie inskryf deur te sms.	(1)
	2.6.2 Motiveer jou antwoord op VRAAG 2.6.1.	(1)
2.7	Waar is Heerengracht geleë?	(1)
2.8	Dink jy die foto van die seuntjie is gepas? Motiveer jou antwoord.	(1) [9]

VRAAG 3: TV-GIDS

Lees die TV-gids hieronder en beantwoord die vrae.

H = herhaling
OL = ouerleiding

SABC 1	SABC 2	SABC 3	e.tv
10:00 Bakae	08:30 Parliament: A view from the House	10:00 Generations (H)	10:00 3rd Degree
14:00 Matric Uploaded	14:14 Judge Mathis	15:00 Krieket: ICC Twenty 20 Hoogtepunte	14:30 <i>Craz-</i> e
18:00 The Bold and the Beautiful lemand probeer weer vir Rick doodmaak.	18:00 <i>La familia</i>	18:30 Isidingo Lolly gaan teen Rajesh se instruksie in. Sy publiseer haar eie storie oor die Barker-drama op die internet, maar dit pla nie vir Barker nie.	18:30 Rhythm City (OL) S'bu sukkel om te aanvaar dat Gail op hom verlief kan wees. Lu erken aan Victoria dat Miles haar enigste liefde sal bly.
19:30 Nuus	19:30 Pasella	19:30 Krieket: ICC Twenty 20 Bangladesh teen Australië.	19:30 Scandal! (OL)
20:00 Generations	20:30 Nuus	23:00 Nuus	20:00 AXN Action TV

[Uit: *Beeld*, 5 Mei 2010]

3.1	Na watter program sal jy kyk as jy meer oor matriekvakke wil leer?	(1)
3.2	Op watter kanaal word Generations herhaal?	(1)
3.3	Kies die KORREKTE woord uit dié wat tussen hakies gegee word.	
	Die TV-gids beveel aan dat 'n kind saam met 'n (maat/ouer) na <i>Scandal</i> moet kyk.	(1)

3.4 Voltooi die volgende sin deur die KORREKTE antwoord te kies.

Liefde word in ... bespreek.

- A The Bold and the Beautiful
- B Rhythm City
- C 3rd Degree
- D Judge Mathis (1)

3.5 Waarom is dit goed dat daar verskillende TV-kanale is? Gee TWEE redes. (2) [6]

TOTAAL AFDELING A: 30

AFDELING B: OPSOMMING

VRAAG 4: LEEF 'n GESONDE LEWE.

- Som die WENKE oor hoe om gesond te leef, in JOU EIE SEWE VOLSINNE op.
- Skryf jou sinne puntsgewys onder mekaar neer.
- Jou opsomming moet ongeveer 60 woorde wees.
- Skryf die getal woorde onder aan die opsomming neer.



LEEF 'n GESONDE LEWE

1. RUS

Jy kan nie net werk nie. Slaap vir ses tot agt ure per nag. Dit gee jou liggaam genoeg kans om te rus.

2. ENERGIE

Eet daagliks 'n ontbyt wat baie proteïene en 'n vrug insluit vir onmiddellike energie. Mense wat nie 'n goeie ontbyt eet nie, is teen 10-uur al moeg.

3. OEFEN

Oorgewig is 'n groot probleem. Loop of hardloop ten minste drie kilometer per dag. Dit sal help om die vet in jou liggaam te verbrand. Dis beter om te oefen as om verslankingsprodukte te gebruik.

4. ROOK - NEE!

Rook is 'n slegte gewoonte en kan baie skade aanrig. As jy lank in die kamer saam met ander rokers is, kan jy 'n passiewe roker word. Die beste raad is om self nooit te begin rook nie.

5. POSITIEF

Dink elke dag positief oor jou werk. Dit laat jou goed voel en dit sal jou help om jou daaglikse take beter te doen. Jy mors energie deur negatief te dink.

6. EIE TYD

Sorg dat jy elke naweek ten minste vier ure bestee aan dinge waarvan jy hou. Dit kan dinge wees soos lees, tuinwerk of om na 'n mooi TV-program te kyk. Dit sorg vir balans in jou lewe.

7. VOORKOMS

Hoe jy lyk, is belangriker as wat jy dink. As jy mooi aantrek, sal dit jou dadelik goed laat voel. Moenie jou hare, vel en naels verwaarloos nie. Mooi klere aan 'n liggaam wat nie versorg is nie, help nie baie nie.

[Verwerk uit: Rooi Rose, April 2010]

TOTAAL AFDELING B: 10

AFDELING C

VRAAG 5: WOORDSTRUKTURE

Kyk na die prent en beantwoord die vrae.



[Uit: ISOLEZWE, 8 Februarie 2010]

- Volg die instruksies in die regterkantste kolom om die KORREKTE antwoorde in die linkerkantste kolom te gee.
- Skryf net die vraagnommer en die KORREKTE antwoord neer.
- Antwoorde op VRAAG 5.1 5.18 moet korrek gespel wees.

Bongani se lewe is moeilik, maar hy het groot drome vir sy toekoms.			
Bongani se lewe (5.1 op/in) die plaas is nie maklik nie. Sy lewe is (5.2 anders/ander) as	5.1 5.2	Kies die KORREKTE voorsetsel. Kies die KORREKTE antwoord.	(1) (1)
dié van die kinders wat in die dorp woon. Hy (5.3 weet/ken) nie wat dit is om te ontspan nie.	5.3	Kies die KORREKTE antwoord.	(1)
Hy is in graad (5.4 fyf/vyf) en hy wil eendag (5.5 baie ryk) wees. Sy droom is om 'n mediese (5.6 dr.) te word.	5.4 5.5 5.6	Kies die KORREKTE spelling. Gee die intensiewe vorm. Skryf die afkorting voluit.	(1) (1) (1)
Al die (5.7 onderwyseresse) op skool hou van Bongani, want hy is 'n (5.8 oulik) seun. Ook sy ouma wat vir (5.9 hy/hom) sorg, is baie trots op hom.	5.7 5.8 5.9	Gee die teenoorgestelde geslag. Gee die KORREKTE vorm. Kies die KORREKTE voornaamwoord.	(1) (1) (1)
Hy moet (5.10 elke dag) na skool water gaan haal. Hy maak twee (5.11 waterdrom) vol en stoot dit met 'n (5.12 kruiwa/karretjie) huis toe. Vir 'n klein (5.13 seun) soos Bongani is die pad te ver en lank. Sommige dae word hy	5.10 5.11 5.12 5.13	Gee EEN WOORD. Gee die meervoud. Kies die KORREKTE woord. Gee die verkleiningsvorm.	(1) (1) (1) (1)
(5.14 moër/moeër) as ander dae.	5.14	Kies die KORREKTE woord.	(1)

Alhoewel Bongani se (5.15 lewe+pad) moeilik	5.15	Gee EEN WOORD.	(1)
is, is hy gelukkig. Die breë glimlag op sy gesig (5.16 verwys/bewys) dat hy tog met die lewe tevrede is.	5.16	Kies die KORREKTE antwoord.	(1)
Bongani is 'n (5.17 trots) Suid-Afrikaner wat geleer het om skouer aan die (5.18 band/wiel) te sit.	5.17 5.18	Gee die KORREKTE vorm. Kies die KORREKTE woord om die idiomatiese uitdrukking te voltooi.	(1)
Dit sal hom (5.19 help/hulp) om eendag suksesvol te wees.	5.19	Kies die KORREKTE antwoord.	(1)
			[19]

VRAAG 6: SINSTRUKTURE

Kyk na die spotprent en beantwoord die vrae.

In die spotprent hieronder is Mama kaMshana baie kwaad vir Oom, want sy dink dat Oom se selfoon baie elektrisiteit gebruik.



[Uit: ISOLEZWE, 8 Februarie 2010]

6.1 Skryf die sin in die verlede tyd.

Die hoë elektrisiteitsrekeninge gee mense baie probleme. (Die hoë elektrisiteitsrekeninge ... mense baie probleme ...)

(2)

6.2 Skryf die sin in die toekomende tyd.

Mama kaMshana gaan na die munisipaliteit toe.
(Môre ... Mama kaMshana na die munisipaliteit toe ...) (2)

6.3	Skryf die sin in die indirekte rede.	
	Mama kaMshana sê vir die buurvrou: "Ek is kwaad oor die hoë elektrisiteits-rekening." (Mama kaMshana sê vir die buurvrou dat)	(2)
6.4	Verbind die sinne met die woord tussen hakies.	
	Die elektrisiteitsrekening is baie hoog. Daar is geen geld vir kos nie. (daarom)	(1)
6.5	Vul die hoofletter en die ontbrekende skryfteken in.	
	sy se die man mors haar geld.	(2)
6.6	Skryf 'n vraag neer waarvan die onderstreepte deel die antwoord sal wees.	
	Mama kaMshana kry swaar in die lewe.	(2)
6.7	Skryf die sin in die infinitief.	
	Die man moet die rekening betaal. (Die man behoort die rekening betaal).	(1)
6.8	Skryf die sin in die lydende vorm.	
	Mama kaMshana sal die elektrisiteitsrekening betaal. (Die elektrisiteitsrekening deur Mama kaMshana)	(2)
6.9	Beantwoord die vraag in die ontkennende vorm.	
	Lyk die dame vriendelik? (Nee, die dame lyk vriendelik)	(2)
6.10	Skryf die sin in die teenwoordige tyd.	
	Gister was die laaste dag om die rekening te betaal. (Vandag)	(1)
6.11	Skryf die sin in die ontkennende vorm.	
	Mama kaMshana beskuldig iemand vir die hoë rekening. (Mama kaMshana beskuldig vir die hoë rekening)	(2)
6.12	Verander die sin in 'n stelsin.	
	Sal die dame by die munisipaliteit die geld neem? (Die dame by die munisipaliteit)	(1)

6.13	Olama at all a la la	i korrek oor er		
n 1 3	VERVIT AID OIL	ו עמדרבע ממד בד	i nadin eddi	וווחסחחבביב
U. IU		ו אטוובא טטו בו	i beuili soo	s aanucuui.

By die huis moenie elektrisiteit mors nie.

Begin so: (Moenie ...)

(1)

6.14 Skryf die sin in die direkte rede.

Mama kaMshana sê: dat sy baie kwaad is.

(Mama kaMshana sê: ...)

(2)

6.15 Voltooi die volgende sin deur die KORREKTE antwoord te kies.

Die uitdrukking op Mama kaMshana se gesig dui aan dat sy ...

- A kwaad is oor die hoë elektrisiteitsrekening.
- B rustig is oor die elektrisiteitsrekening wat sy moet betaal.
- C die hoë elektrisiteitsrekening sommer aanvaar.
- D geen probleem met die elektrisiteitsrekening het nie.

(1)

6.16 Kies die KORREKTE uitroep wat aan die begin van die sin kan staan.

"...! Ek kan nie meer my broer se luiheid aanvaar nie."

- A Toe maar
- B Ag nee
- C Foeitog
- D Hoera

(1)

[25]

VRAAG 7: REDIGERING

Kyk na die prent en beantwoord die vrae.

In die prentjie hieronder verskyn Thembsie Matu in die Cell C-advertensie.



[Uit: BONA, Junie 2009]

- Volg die instruksies en skryf die sin korrek oor.
- Onderstreep die fout(e) wat jy reggemaak het.
- 7.1 Verbeter die woordordefout.

Thembsie was geskok toe Cell C het haar vir 'n oudisie ingeroep.

(Thembsie was geskok toe Cell C ...)

(1)

- 7.2 Kies die KORREKTE voorsetsel uit dié wat tussen hakies gegee word.
 - Sy sê sy is baie bly (oor/van) die goeie nuus.

(1)

(1)

- 7.3 Maak die spelfout reg.
 - Na die advertensie het Thembsie onmiddelik beroemd geword.
- 7.4 Kies die KORREKTE trap van vergelyking uit dié wat tussen hakies gegee word.
 - In die advertensie moet sy (hardste/harder) as gewoonlik skree. (1)
- 7.5 Kies die KORREKTE voornaamwoord uit dié wat tussen hakies gegee word.
 - Sy stuur dikwels sms'e aan (sy/haar) man. (1)

(1)

7.6 Voltooi die infinitief.

Thembsie is trots om aan die Cell C-advertensie deel ... neem. (1)

7.7 Kies die KORREKTE woord uit dié wat tussen hakies gegee word.

Sy is die vrou (wat/wie) vir 'n oudisie ingeroep is.

7.8 Kies die KORREKTE woord uit dié wat tussen hakies gegee word.

Sy kan nie (glo/belowe) wat sy hoor nie. (1)

7.9 Kies die KORREKTE woord uit dié wat tussen hakies gegee word.

Sy glimlag, want sy (erken/herken) die spreker se stem. (1)

7.10 Kies die KORREKTE vertaling.

Thembsie says that you can talk for free on weekends.

- A Thembsie sê jy kan praat gratis gedurende naweke.
- B Thembsie sê dat jy gratis gedurende naweke kan praat.
- C Thembsie sê jy moet verniet gedurende naweke praat.
- D Thembsie sê praat mahala gedurende naweke. (1)


7.11 Kies die KORREKTE antwoord.

Met Cell C kan 'n mens (vier en twintig/veer en twintig) uur diens kry. (1)

[11]

VRAAG 8: KYK EN KOMMUNIKEER

Lees die situasie en voer die opdrag uit.



SITUASIE: Mnr. Smit voel die afgelope tyd baie moeg en siek. Hy is baie BEKOMMERD oor sy gesondheid en besluit om dokter toe te gaan. Die verpleegster het hom ondersoek en hom probeer TROOS.

8.1.1 OPDRAG: Wat sê mnr. Smit aan die verpleegster om aan te dui dat hy BEKOMMERD is? Voltooi die sin in ongeveer 5 –10 woorde.

Mnr. Smit: Ek voel ... (1)

8.1.2 OPDRAG: Skryf 'n kort sinnetjie waarin die verpleegster vir mnr. Smit TROOS. Voltooi die sin in ongeveer 5 –10 woorde.

Die verpleegster: Ag, Meneer ... (1)

8.2



[ISOLEZWE, 8 Februarie 2010]

SITUASIE: John, Susan, Steve, Mpho en Marie voltooi hierdie jaar matriek. Hulle is BLY en gesels oor hoe DANKBAAR hulle is om mekaar as vriende te hê.

8.2.1 OPDRAG: Wat sê John aan sy maats om sy BLYDSKAP oor te dra? Voltooi die sin in ongeveer 5 –10 woorde.

John: Hoera, ... (1)

8.2.2 OPDRAG: Skryf 'n kort sinnetjie waarin Steve vertel hoe DANKBAAR hy is om sulke maats te hê. Voltooi die sin in ongeveer 5 –10 woorde.

Steve: Ouens, ... (1)

8.2.3 OPDRAG: Skryf 'n kort sinnetjie waarin Susan sê hoe sy haar skooljaar GENIET het. Voltooi die sin in ongeveer 5 –10 woorde.

Susan: My skooljaar ... (1)

TOTAAL AFDELING C: 60

[5]

AFDELING D: LETTERKUNDE

Hierdie afdeling bestaan uit TWEE VRAE.

VRAAG 9: POTYSTER SWEIS NIE – PG du Plessis VRAAG 10: OM LAASTE TE KAN LAG – Pirow Bekker

Beantwoord EEN van die TWEE vrae.

VRAAG 9: POTYSTER SWEIS NIE - PG du Plessis

Lees die uittreksel hieronder en beantwoord die vrae.

Die stofie interesseer hom, en ek sit en vertel hoe ek die ding weer in gebruik wil kry. Regmaak, sweis, staanmaak en gebruik.

Regma	ak, sweis, staanmaak en gebruik.
9.1	Met wie het die verteller oor die stofie gepraat?
9.2	Waar het die verteller die stofie opgetel?
9.3	Watter werk het die verteller gedoen?
9.4	Gee EEN REDE hoekom die verteller nie alleen wou ry nie.
9.5	Wat wou die verteller met die stofie doen? Noem TWEE dinge.
9.6	Waarom het die passasier gedink dat die verteller nie die stofie sou regkry nie?
Lees di	ie uittreksel hieronder en beantwoord die vrae.
	nigiets kan regmaak en ja, hy sal van die toebroodjies kry wat die oom d, want in die koshuis is die kos nie altyd waffers nie. 9.7.1 Is die volgende stelling WAAR of ONWAAR?
9.8	In die uittreksel het die seun gemaak asof hy trots was op sy pa. 9.7.2 Motiveer jou antwoord op VRAAG 9.7.1 deur DRIE OPEENVOLGENDE WOORDE uit die uittreksel hierbo aan te haal. Kies die KORREKTE woord uit die lys en voltooi die sin. Skryf net die vraagnommer (9.8.1 – 9.8.4) en die KORREKTE woord neer.
	stofies; braai; koshuis; bakkies; weggeloop; skool
	9.8.1 Sy pa wou hom al uit die vat.
	9.8.2 Sy pa het twee soos die verteller s'n.

[20]

(5)

	9.8.3	Sy pa altyd op Saterdagaande.	(1)
	9.8.4	Sy pa het	(1)
9.9	Hoekoi	n was die koshuiskos "nie altyd waffers nie"?	(1)
9.10	Lees d	e uittreksel hieronder en beantwoord die vrae.	
		rtugees praat hom agterna. Hy kan nie aanhou om uit jammerte vir te sorg net omdat die pa	
	9.10.1	Wie was die Portugees wat met die seun gepraat het?	(1)
	9.10.2	Waarom het hy in 'n kwaai stemtoon met die seun gepraat?	(1)
	9.10.3	Wat het die verteller by die Portugees gehoor wat die seun NIE van sy pa vertel het NIE?	(1)
9.11		e KORREKTE woord uit dié wat tussen hakies gegee is. Skryf slegs agnommer (9.11.1 – 9.11.3) en die KORREKTE woord neer.	
	9.11.1	Die verteller wou die tienrandnoot vir seun (vir die geselskap/ vir koeldrank) gee.	(1)
	9.11.2	Die verteller het teruggegaan na die kafee om (sy kleingeld/ die koerant) te gaan haal.	(1)
	9.11.3	Die seun was te (trots/ryk) om die geld te neem.	(1)

OF

VRAAG 10: OM LAASTE TE KAN LAG - Chris Barnard

10.1 Kies die woorde uit die lys hieronder om die volgende paragraaf te voltooi. Skryf slegs die vraagnommer (10.1.1 – 10.1.5) en die KORREKTE woord neer.

kruie; rivierklippies; stoel; swartskaap; verdwyn; waarskuwing; tafeltjie

Oom Apie was die (10.1.1) ... in die familie. Hy het drie snaakse dinge gedoen: hy het die wêreld vol geloop met 'n (10.1.2) ... oor sy skouer, hy het elke maand sewe (10.1.3) ... gesluk om sy maag gereeld skoon te hou en hy het sonder (10.1.4) ... opgedaag en vir 'n ruk by sy familie gebly voordat hy weer (10.1.5) ... het.

10.2 Kies 'n sinsdeel uit KOLOM B om by 'n persoon/persone in KOLOM A te pas. Skryf net die vraagnommer (10.2.1 – 10.2.5) en die KORREKTE letter neer.

KOLOM A			KOLOM B		
10.2.1	Oom Apie	Α	wou later met hom trou		
10.2.2	Oom Apie se jeugliefde	В	B het na veertig jaar van getroude lewe gesterf		
10.2.3	Die verteller	С	het vir oom Apie gesê dat hy maar sal moet trou		
10.2.4	Die skatryk boer				
10.2.5	Die verteller se ouers	D	wou nie trou nie		
		Ε	het in die buitekamer geslaap		

 (5×1) (5)

10.3 Lees die uittreksel hieronder en beantwoord die vrae.

Ten tweede het oom Apie selde gewerk. Soms het jy gehoor hy help uit by 'n slaghuis; dan weer het jy maande lank niks van hom gehoor nie.

- 10.3.1 Om watter DRIE redes het almal van oom Apie gehou? (3)
- 10.3.2 Noem EEN ander plek waar oom Apie soms instaanwerkies gedoen het. (1)

10.4 "Oom Apie was uit die verknorsing uit."

Hoe het hy homself uit die verknorsing gekry? (1)

10.5 Kies die KORREKTE antwoord om die sin te voltooi. Skyf net die vraagnommer (10.5) en die letter (A – D) neer.

Oom Apie het sy goeie gesondheid te danke aan die feit dat hy ...

- A lank op dieselfde plek gebly het.
- B nie bekommernisse gehad het nie.
- C lank en gelukkig getroud was.
- D kort van postuur en geset was. (1)
- 10.6 Wie lag die laaste in die verhaal? (1)
- 10.7 Dink jy dat oom Apie werklik die laaste gelag het? Sê JA of NEE en motiveer jou antwoord. (1)

Afrikaans	Tweede	Addisionele	Taal/V1

19 NSS (Wes-Kaap) DBE/November 2010

10.8 10.8.1 Is die volgende stelling WAAR of ONWAAR?

Oom Apie wou sy jeugliefde se geld hê.

(1)

10.8.2 Motiveer jou antwoord op VRAAG 10.8.1.

(1) **[20]**

TOTAAL AFDELING D: 20

GROOTTOTAAL: 120